

Informatziones

Sede

Cando su malàidu no est bastante pro se su capu-sala o su dotore de su repartu podent autorizare sa presèntzia de sos familiares, chi non depet mai istorbare s'atividade de assistèntzia. No est permitida sa presèntzia in su repartu dae sas 08.30 de mangianu a mesudie (08.30 - 12.00), cando si pràticat sa terapia, s'igiene e sa visita de sos dotores a sos ricoverados. Ogni borta chi si ddu pedint, su familiare depet ispetare in sa sala de atesa, sena abarrare in sos corridòrios, respetende sa privacy de sos àteros ricoverados.

A su momentu de sa dimissione at a èssere dada una litera pro su dotore curante, in ue, in prus de sa diàgnosi de dimissione, sos atzertamentos diagnòsticos printzipales, sas terapias praticadas e sas prescritziones pro domo, at a èssere indicadu s'apuntamentu pro medicatziones e controllos eventuales. S'at a dare una prima fornidura de meighinas de sa cura o una retzeta pro ddas comporare. Si a su momentu de su ricòveru est istada cunsignada documentatzione personale, **si cussigiat** de pedire de si dda torrare.

A chie lu pedit, ddi cunsignant (e si mandat a s'INPS) su zertificadu de maladia pro lu dare a su mere de su traballu.

Sos tzertificados de ricòveru si podent pedire a su mangianu a su personale mèigu, chi ddos at a preparare luego, a manera cumpatibile cun sos impignos assistenziales

Sa Direzione Sanitària, a pustis de àere presentadu sa rechesta a s'Ufitziu Cartellas Clinicas (est in su pianu terrinu), dat **sa còpia de sa cartella clinica**, ma non prima de sas 15 dies a pustis de sa dimissione. Est mègius de dda pedire a pustis de àere fatu totu sos controllos programados.

Est mègius, cando si faeddat cun su personale, de abbaidare su cartellinu de reconnoschimentu postu in sa divisa. Gasi s'ischit su nùmene e sa cualifica de sa persone chi si est faeddende. Est de òbligu a giùghere su cartellinu de reconnoschimentu.

Est proibidu de s'istesiare dae su repartu sena su permissu de sos dotores e de sos infermieris.

Si cussigiat de non giùghere sos pipios in repartu pro su perigulu chi non leent infetziones.

Est cussigiadu de non tènnere dinare o prendas e cosas de valore in s'aposentu; su personale non nde podet garantire sa custòdia.

Ispidale San Martino de Aristanis,
carrera Rockefeller, in su de 6 pianos.



Nùmeros de telèfono

Diretore: 0783317266
Guardiola: 0783317242
Sala dotores: 0783317245
Ambulatòriu: 0783317228
Archiviu 0783317233
Fax: 0783317245
CUP: 1533

Sos dotores dant informatziones de sos malàidos
ogni die in custu oràriu: 13.00 – 14.00

Cunforme a sa lege de sa privacy, **in telèfono non si dant informatziones de sos malàidos**

Oràriu de sas vùsitas a sos ricoverados
a mangianu: 13.00 – 14.00
a sero: 19.00 - 20.30

Oràriu pro mandigare:
ismurzu: a ora de sas 8 de mangianu
pràngiu: a ora de mesudie
chena: a ora de a sas 6 de sero (h 18)

Ogni signalatzione o consìgiu at a èssere tentu in cunsideru pro megiorare sa calidade de su servitziu



UNIDADE OPERATIVA DE CHIRURGIA

ISPIDALE SAN MARTINO - ARISTANIS

Pianu 6

www.asloristano.it

Diretore:

dot. Gianfranco Porcu

Coordinadore infermieristicu:

Sen. Raffaele Frau

Sos dotores sunt:

Pranteddu Ida, Sau Paolo, Serra Cesarina, Martinasco Luca, Curella Luciano, Giudice Rosina, Aprile Giovanna, Piras Danilo, Galante Francesco, Loche Giovanni

In su repartu òperant figuras professionali diferentes, chi si connoschent dae sa divisa chi giughent e dae su cartellinu de reconnoschimentu:

- **Dotores** (diàgnosi e cura): càmitze biancu e divisa birde.
- **Infermieris** (totu sas atividades assistenziales a sos malàidos): divisa bianca cun sos oros in colore de chelu.
- **O.S.S.** (atividade assistenziale de base e alberghiera): divisa asula.
- **Ausiliares** (atividade de sustegnu alberghieru): divisa asula.
- **Voluntàrios de s'ispidale** (atividade de sustegnu cando sos ricoverados depent papare, de cunfortu e de cumpangia, de agiudu pro avisare sa familia o in missioneddas comente comporare unu giornale o carrigare s'ischeda de su telèfono): càmitze biancu cun iscritu in ruju **A.V.O.**

In su repartu, in prus, òperant **s'assistente sotziale** e una **psicòloga** chi sunt de sustegnu a su malàidu e a sos familiares suos.

Si si pedit est a disponimentu s'assistèntzia religiosa de unu **para frantziscanu**

In tzertas mutas b'at **dotores chi si sunt ispetzializende, infermieris e O.S.S. tirotzinantes.**

S'Unidade Operativa de Chirurgia tenet cumpetèntzias in sas atividades de diàgnosi e terapia pro sos tzitadinos chi arribant a s'istruutura cun patologias chi appartenent a sas de chirurgia generale, comente maladies rùpidas (erniosas), maladies de sa tita, càncaru a sos òrganos de sa matza (istentina grussa, istòmagu, istentina fine), su male de su miserere, maladies de sa tiròide, patologias proctològicas (murenas, fistulas e àteras), varicosas a sas cambas, ischemias de sas istentinas, ischemias de sas cambas e de sos bratzos.

Prus de su 50% de sos interventos sunt fatos in video laparoscopia. Pro s'atividade programmada, su servitziu de preospitalizazione permitit a su malàidu de fàghere sa preparazione preoperatòria sena ricòveru e de èssere ricoveradu sa die etotu de s'operazione chirùrgica, minimende gasi sos fastigos de s'ospitalizazione. In prus, pro sas patologias postas in contu dae sos inditos de ghia natzionales, s'interventu si faghet in regime de *Day Surgery*, cun sa dimissione su sero etotu de s'interventu o a su prus su mangianu de sa die in fatu .

Sos percursos de diàgnosi e terapia s'ghint sos inditos-ghia cuncordados dae sas sotziedades iscientificas natzionales e internatzionales, a cunforma de su printzipiu de sa pràtica clinica bona basada subra s'evidèntzia. Sas operatziones pro nche bogare sa bussica de su fele, s'apenditzite, sa plàstica de sa matza, sa resetzione còlica pro càncaru si faghet (cando faghet) cun sa tècnica videolaparoscòpica, segundu sa formatzione prus aggiornada de sa terapia chirùrgica.

Pro fàghere sas diàgnosi s'impreant fintzas servitzius de diagnòstica cun immàgines, de laboratòriu de anàlisi, de anatomia patològica. S'Unidade Operativa de Chirurgia in s'acumprimentu de s'atividade assistenziale sua tenet raportos cun sas àteras Unidades Operativas Ispetzialisticas de su Presidiu de s'ispidale, prus che totu, pro sa programmatzione e s'acumprimentu de s'atividade chirùrgica, traballat paris cun s'Unidade Operativa de Anestesia e Rianimatzione. In prus, si serbit de sas consulèntzias de su Poliambulatóriu Ispetzialisticu de Aristanis. In casos de cumplessidade manna tenet sa collaboratzione de sas prestatziones de istruuturas de àteras ASL chi tenent ispetzializazione arta.

In s'Unidade Operativa de Chirurgia si faghet custas atividades de ambulatòriu :

- **Visitas chirùrgicas:** martis h 9-13
- **Visitas senològicas:** martis h 15-20
- **Visitas proctològicas:** giòbia h 15-19
- **Medicatziones e controllos postoperatòrios:** lunis, mèrcuris e chenàbura h 11 - 13

S'atzessu a s'Unidade Operativa de Chirurgia si podet fàghere cun una de custas modalidades:

1) in regime de urgèntzia, dispostu dae sos dotores de Prontu Sucursu de Aristanis o de su Presidiu de s'ispidale Delogu de Ilartzi;

2) a manera programmada dae unu sanitàriu de su repartu, pro patzientes chi siant istados visitados dae s'Ambulatòriu de Chirurgia o chi siant istados esaminados in consulèntzia cando fiant ricoverados in àteros repartos;

3) pro trasferimentu dae sas àteras Unidades Operativas, a pustis chi una consulèntzia chirùrgica apat cunfirmadu chi b'at una patologia de trattare a manera chirùrgica.

Su ricòveru podet èssere in regime ordinàriu o in regime de Day Surgery (pro patologias chi ddu ponent in contu).

Pro sos servitzius de sos ambulatòrios tocat a telefonare a su CUP (tel. 1533) pro pedire un'apuntamentu.

Sos interessados si depent presentare in s'Ambulatòriu de Chirurgia (pranu 6) sa die e a s'ora programmada pro sa vùsita, cun sa rechesta regulare de su dotore curante e in règula cun su pagamentu de su *ticket* o de s'esentzione eventuale.

In prus, si depent ammentare de giùghere in fatu totu sa documentatzione clinica personale.

Si pedit su praghene de respetare sos appuntamenti fissados o, in casu de impedimentu, de avisare in tempus pro chi nde potzant usufruire àteros patzientes chi sunt isetende.

Pro sas medicatziones e sos controllos postoperatòrios tocat de giùghere in fatu sa lìtera de dimissione e su refertu de s'ùrtimu controllu fatu; non serbit sa rechesta de su dotore curante.